



ՍՈՒՐԲ ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ՋԵՌՆԱԴՐՈՒԹՅՈՒՆ

«Զի դուք յազատութիւն կոչեցեալ էք, եղբարք, միայն զի ազատութիւն ձեր ոչ լինիցի ի պատճառս մարմնոյ, այլ սիրով ծառայեցէք միմեանց»:

(ԳԱՂ. Ե 13)

Սույն թվականի դեկտեմբերի 25-ին, շաբաթ օրը, Սուրբ Ստեփանոս Գալատականի և առաջին մարտիրոսի տոնին, Մայր Աթոռիս միաբանությունը հոգեկան ուրախության մեջ էր: Այդ օրը, դարերի խորքից եկող ավանդության համաձայն, Մայր տաճարում, ձեռամբ հոգևոր անմարանի տեսուչ գերաշնորհ Տ. Անանիա եպիսկոպոս Արաբաջյանի, տեղի ունեցավ հոգևոր անմարանի տասը ուսանողների սարկավագական ձեռնադրությունը: Նորոգ ձեռնադրվողները եկան համալրելու Հայ Եկեղեցու միաբանության շարքերը և ուխտեցին լծվելու ազգին ու Եկեղեցուն ծառայելու նվիրական գործին և առաքելությանը, որն իրենց կյանքով ու գործունեությամբ սրբացրել են Ս. Մեսրոպ Մաշտոցը, Ս. Գրիգոր Նարեկացին, Ս. Ներսես Շնորհալին և մեր մյուս եռամեծ վարդապետներն ու հայրապետները:

Սուրբգրական ընթերցումներից առաջ սկսվեց սարկավագական ձեռնադրությունը: Նորընծաներն իրենց կիսասարկավագական կոչումն ստացել էին Գալատի օրը, դեկտեմբերի 24-ին: Օրվա պատարագիչ սրբազան հայրը օրհնությամբ տվեց «զսուրբ ուրարս», «իշխանութիւն ընթեռնուլ զսուրբ Աւետարանս յեկեղեցիս Աստուծոյ», և «հրաման խնկարկել և բուրել հոտ անուշութեան ի սպասատրութիւն խորհրդոյն»:

Հավարտ ձեռնադրության, սրբազան հայրը իր խոսքում հորդորեց եր-

բեք չշեղվել Մայր Եկեղեցու դավանական սկզբունքներից՝ միշտ լինելով մեր Տիրոջ՝ Հիսուս Քրիստոսի հավատարիմ սպասավորները:

Սրբազան պատարագի ավարտից հետո նորընծաները, առաջնորդությամբ Տ. Անանիա եպիսկոպոս Արաբաշյանի և Մայր տաճարի լուսարարապետ Տ. Հուսիկ արքեպիսկոպոս Սանթուրյանի, այցելեցին Վեհաբան, որտեղ ստացան Ամենայն Հայոց Վեհափառ Հայրապետի օրհնությունները: Նորին Սրբությունը պատգամեց, որ նրանց մտասկեռումների առարկան լինի Սուրբ Ստեփանոսի զոհողության, ծառայասիրության և կարգապահության ոգին, որ Սուրբ Ստեփանոսի խորհրդանիշը մնա ոչ միայն լոկ խորհրդանիշ և հիշատակություն, այլ նաև կյանքով ապացուցելի իրականություն:

ՍԱՐԳԻՍ (ՍԵՐՈԺ) ՍԱՐԿԱՎԱԳ ՀԱՐՈՒԹՅՈՒՆՅԱՆ

Ծնվել է 1974 թ. հունվարի 31-ին Թեհրանում (Իրան): Հաճախել է տեղի Նաիրի հայկական դպրոց և, ութամյա ուսումնառությունից հետո, 1988 թ. հունվարին, ընդունվել Ս. Էջմիածնի հոգևոր ճեմարան:

ԳԵՂԱՄ ՍԱՐԿԱՎԱԳ ՏԻԳՐԱՆՅԱՆ

Ծնվել է 1971 թ. ապրիլի 12-ին Արտաշատի շրջանի Դիմիտրով գյուղում: 1978—1988 թթ. սովորել և ավարտել է տեղի ուսական միջնակարգ դպրոցը:

1988 թ. ընդունվել է Ս. Էջմիածնի հոգևոր ճեմարան:

ՎԱԶԳԵՆ ՍԱՐԿԱՎԱԳ ԳԱԼՍՏՅԱՆ

Ծնվել է 1971 թ. մայիսի 20-ին Լենինականում: 1978—1988 թթ. սովորել և ավարտել է Երևանի № 156 միջնակարգ դպրոցը:

1988 թ. ընդունվել է Ս. Էջմիածնի հոգևոր ճեմարան:

ՎԱՐԴԱՆ ՍԱՐԿԱՎԱԳ ՀԱՐՈՒԹՅՈՒՆՅԱՆ

Ծնվել է 1971 թ. հունվարի 21-ին Էջմիածնում: 1978—1988 թթ. սովորել և ավարտել է տեղի № 2 միջնակարգ դպրոցը:

1988 թ. ընդունվել է Ս. Էջմիածնի հոգևոր ճեմարան:

ՀՐԱՆԴ ՍԱՐԿԱՎԱԳ ՍԱՐԻԲԵԿՅԱՆ

Ծնվել է 1971 թ. մայիսի 10-ին Էջմիածնում: 1978—1988 թթ. սովորել և ավարտել է տեղի № 9 միջնակարգ դպրոցը:

1988 թ. ընդունվել է Ս. Էջմիածնի հոգևոր ճեմարան:

ՀՈՎՀԱՆՆԵՍ ՍԱՐԿԱՎԱԳ ՍԱՐԳՍՅԱՆ

Ծնվել է 1973 թ. դեկտեմբերի 26-ին Բեյրութում (Լիբանան): Չորս տարի հաճախել է տեղի Վահան Թեքեյան վարժարան: 1983—1986 թթ. սովորել է Անթիլիասի դպրեվանքում:

1987 թ. ընդունվել է Ս. Էջմիածնի հոգևոր ճեմարան:

ԱՐՏԱԿ ՍԱՐԿԱՎԱԳ ՏԻՏԱՆՅԱՆ

Ծնվել է 1970 թ. հոկտեմբերի 19-ին Երևանում: 1978—1988 թթ. սովորել և ավարտել է տեղի № 156 միջնակարգ դպրոցը:

1988 թ. ընդունվել է Ս. Էջմիածնի հոգևոր ճեմարան:

ՍԱՐԳԻՍ ՍԱՐԿԱՎԱԳ ԲՈՅԱԶՅԱՆ

Ծնվել է 1969 թ. մարտի 5-ին Էջմիածնում: 1975—1983 թթ. սովորել է տեղի № 4 միջնակարգ դպրոցում: Ութամյա ուսումնառությունից հետո, 1983—1987 թթ., սովորել և ավարտել է Երևանի ավտոճանապարհային տեխնիկումը:

1989 թ. ընդունվել է Ս. Էջմիածնի հոգևոր ճեմարան:

ԳԵՎՈՐԳ ՍԱՐԿԱՎԱԳ ԿՈՇԵՅՅԱՆ

Ծնվել է 1973 թ. հունիսի 9-ին Աշտարակի շրջանի Օջական գյուղում: 1980—1990 թթ. սովորել է տեղի Ս. Մեսրոպ Մաշտոցի անվան միջնակարգ դպրոցում:

1990 թ. ընդունվել է Ս. Էջմիածնի հոգևոր ճեմարան, այնուհետև ուսուցիչ շարունակել է Երուսաղեմի հայոց Ժառանգավորաց վարժարանում:

ԳԱՐԵԳԻՆ ՍԱՐԿԱՎԱԳ ԱՂԱԲԱԲՅԱՆ

Ծնվել է 1963 թ. օգոստոսի 5-ին Ախալցխայի շրջանի Փոքր Դաման գյուղում (Վրաստան): 1970—1980 թթ. սովորել և ավարտել է տեղի Ստեփան Ծափումյանի անվան միջնակարգ դպրոցը: 1980—1982 թթ. աշխատել է տեղի գրադարանում որպես վարիչ: 1982—1984 թթ. ծառայել է խորհրդային բանակում: 1985—1989 թթ. ծառայել է ԽՍՀՄ ֆինանսների նախարարությանը կից հատուկ զինվորական ստորաբաժանումում:

1989 թ. ընդունվել է Ս. Էջմիածնի հոգևոր ճեմարան:

* * *

Նույն օրը Արարատյան Հայրապետական թեմի առաջնորդանիստ Ս. Սարգիս եկեղեցում նույնպես տեղի ունեցավ սարկավագական ձեռնադրություն: Չեռամբ առաջնորդական փոխանորդ Տ. Գարեգին արքեպիսկո-

պոս Ներսիսյանի Հայ Առաքելական Եկեղեցու միաբանության շարքերն ընդունվեցին Արարատյան թեմի Սևանի հոգևոր դպրանոցի Դ լսարանի երեք սաներ և առաջնորդարանի աշխատակից Տ. Վարդանյանը:

ՏԱԾԱՏ ՍԱՐԿԱՎԱԳ ՎԱՐԴԱՆՅԱՆ

Ծնվել է 1941 թ. ապրիլի 24-ին Թավրիզում: 1968 թ. ավարտել է Երեվանի պետական համալսարանի ժուռնալիստիկայի բաժինը: 1968—1975 թթ. պաշտոնավարել է Էջմիածնի հոգևոր ճեմարանում որպես գրադարանի վարիչ: 1973—1990 թթ. աշխատել է Հայկական Հանրագիտարանի խմբագրությունում որպես գիտական խմբագիր:

1990 թվականից Արարատյան թեմի հրատարակչական կենտրոնի տնօրենն է:

ԱՐՏԱԿ ՍԱՐԿԱՎԱԳ ԼՈՌԵՅՅԱՆ

Ծնվել է 1973 թ. մայիսի 11-ին Էջմիածնի շրջանի Ակնալիճ գյուղում: 1980—1990 թթ. սովորել և ավարտել է Մեծամորի № 1 միջնակարգ դպրոցը:

1990 թ. ընդունվել է Սևանի հոգևոր դպրանոց:

ՀԱՐՈՒԹՅՈՒՆ ՍԱՐԿԱՎԱԳ ԿԱՐԱՊԵՏՅԱՆ

Ծնվել է 1973 թ. մայիսի 4-ին Էջմիածնում: 1980—1990 թթ. սովորել և ավարտել է տեղի Ռ. Պատկանյանի անվան միջնակարգ դպրոցը:

1990 թ. ընդունվել է Սևանի հոգևոր դպրանոց:

ԱՐԱՐԱՏ ՍԱՐԿԱՎԱԳ ԿԱՐԱՊԵՏՅԱՆ

Ծնվել է 1974 թ. հունվարի 1-ին Սևան քաղաքում: 1980—1990 թթ. սովորել և ավարտել է տեղի Մեսրոպ Մաշտոցի անվան միջնակարգ դպրոցը:

1990 թ. ընդունվել է Սևանի հոգևոր դպրանոց: